

“КЕЛАЖАККА ҚАДАМ”:

ЯНГИ ҒОЯЛАР, ИМКОНИЯТЛАР МАЙДОНИ

Давлатимиз раҳбарининг жорий йилнинг 14 февраль куни мамлакатимиз ёшлари билан самимий мулоқоти ёшлар ҳаётида янги саҳифаларни очиб берди. Қувонарлиси, самимий мулоқот жараёнида ёшлар тadbirkorлигида мутлақо янги имконлар яратадиган даврни бошлаб берадиган 3 та катта ҳужжатга имзо чекилди.

▼ Бугуннинг ёшлари



Биринчи ҳужжатга мувофиқ, Ёшлар агентлиги ҳузурида Ёшлар тadbirkorлигини ривожлантириш жамғармаси ташкил этилиб, унга 100 миллион доллар маблағ ажратилди. Иккинчи қарор билан эса олийгоҳ битирувчилари бандлигини таъминлаш бўйича янги тизим яратилиши маълум қилинди.

таъкидланди.

Натижада, Президентимиз ташаббуси билан мамлакатимиз олий таълим ташкилотлари ва банклар ҳамкорлигида «Келажакка қадам» дастурини амалга татбиқ этилиб, олийгоҳларда марказлар фаолияти йўлга қўйилди. Олийгоҳ битирувчилари бандлигини таъминлаш бўйича яратилган ушбу янги тизим битирувчи ва талабаларнинг бизнес ғоясидан – тайёр лойиҳасигача бўлган жараёни қўллаб-қувватлашга хизмат қилмоқда.

Тошкент давлат аграр университетиди ҳам вилоят «Миллийбанк» билан ҳамкорликда худди шундай марказ фаолияти йўлга қўйилди.

Марказнинг асосий вазифаси битирувчилар ва қўйи босқич талабаларининг бизнес ғояларини қўллаб-қувватлаш, уларда бизнес кўникмаларини шакллантириш, бунинг учун ўқув-тренингларини ўтказиш, тайёр лойиҳаларни молиялаштириш учун банкнинг худудий филиалига йўналтиришдан иборат, – дейди марказнинг биринчи тоғтали мутахассиси Нурсултон Нейматов. – Албатта, бу битирувчилар бандлигини таъминлашда катта кўмак бериши баробарида ижтимоий ҳимоя вазифасини ҳам бажаради.

(Давоми 2-саҳифада) ►

Raislik saylovi – mahalla tanlovi

Xabaringiz bor, 2025-yilning 1-maydan e'tiboran respublikaning barcha hududlarida mahalla raisligiga saylovlar o'tkazilmoqda.

Bugungi kunga kelib, viloyatdagi 1 ming 25 ta mahallaning 523 tasida saylovlar o'tkazilib, 100 mingga yaqin aholi ishtiroki ta'minlandi.

Aytish mumkin, raislarning vakolat muddati 5 yilga uzaytirilib, ochiqlik va oshkoralikda, fuqarolarimizning

xohish va irodasini erkin ifoda etish prinsiplariga xos tarzda o'tmoqda.

Saylovda mahalla raisligiga nomzodlarning har birining dasturlari tinglanib, saylovga tashrif buyurgan vakillar tomonidan munosib nomzodlarga ovoz berilmoqda.

▼ Семинар

Маҳорат дарслари

Ўзбекистон маҳаллалари уюшмаси Тошкент вилояти бошқармасида «Маҳалла еттилиги» фаолияти самарадорлигини оширишда маҳалла раисларининг асосий вазифалари мавзусида семинар-тренинглар бошланди.



Вилоят ҳокимлиги ҳузуридаги фуқароларнинг ўзини ўзи бошқариш органлари ходимлари малакасини ошириш ўқув курси томонидан ташкил этилган тadbirkorдан кўзланган асосий мақсад мамлакатимизда маҳалла институти ролини юксалтириш, «Маҳалла еттилиги» фаолияти самарадорлигини ошириш, билим, малака ва кўникмаларини ривожлантиришдан иборат.

Ўқув-семинарининг очилишида маҳаллалар уюшмасининг вилоят, туман ва шаҳар бўлимлари раҳбарлари ҳамда соҳага алоқадор қатор мутасаддилар иштирок этишди.

Семинарда «Рақамли маҳалла» платформасини амалиётга жорий этиш афзалликлари ва иш жараёнида унумли фойдаланиш механизмлари ҳақида батафсил маълумот берилди.

Маҳалла институтининг жамиятдаги ролини тубдан ошириш ва унинг аҳоли муаммоларини ҳал этишда биринчи бўлин сифатида ишлашини таъминлашда маҳалла раисининг мақоми ҳамда масъулияти юқори, – дейди вилоят ҳокимлиги ҳузуридаги фуқароларнинг ўзини ўзи бошқариш органлари ходимларининг малакасини ошириш ўқув курси директори ўринбосари Матлуба Мамадалиева.

Аввало, маҳалла раиси «Маҳалла бюджети» маблағларидан унумли фойдаланиши, маблағларини сарфлаш ҳисоботини тўғри юритиши лозим. Тренингларимизда шу каби ўндан ортқ мавзуларда машғулотлар ўтказяпмиз. Унутмаслик керакки, «Обод хонадон», «Обод кўча», «Обод маҳалла» мезонларини маҳаллаларда жорий этиш ҳамда «Яшил макон» умуммиллий лойиҳасини амалга оширишда ҳамда «Маҳалла еттилиги»ни ўз йўналишларида собит бўлишларида маҳалла раисларининг ўрни катта.

Бундан ташқари, маҳалла раисининг ҳоким ёрдамчиси билан тadbirkorлигини ривожлантириш, аҳоли бандлигини таъминлаш ва камбағалликни қисқартириш масалаларини биргаликда ташкил этиш механизмларига алоҳида эътибор қаратилди.

Семинарда хотин-қизларни қўллаб-қувватлаш ҳамда аёллар орасида онкологик касалликларнинг олдини олиш, касалликни эрта аниқлаш ва даволаш ишларини ташкил этиш зарурлиги таъкидланди.

Нигора ЎРОЛОВА,
«Тошкент ҳақиқати» муҳбири
Жалолитдин ЭСОНОВ
олган сурат

▼ Эй, умри азиз...

СОБИРИ САЙЁР

Ҳазрат Алишер Навоийнинг «Саъбаи сайёр» (Етти сайёра) деган гўзал достони бор. Буюк мутафаккир бу асари заминига афсоналар билан йўғрилган ҳақиқий инсоний муҳаббатни асос қилиб олади.

Шу кунларда қутлуг 75 ёшини қарши олаётган пискентлик ёзувчи Собиржон Иномов ва унинг жасоратли аёли, марҳума ижодкор Сайёра Йўлдошеванинг умр йўллари ҳам бир дostonга мавзу бўладиган севги ва садоқат қиссасидир. Шу боис лавҳамизни ҳазратнинг достонига уйқаш қилиб «Собири Сайёр» деб атагимиз келди...

Умрни бежизга оқар дарёга қиёслашмас экан. Шошқалоқ жилғаларнинг оқиши тўтовсиз ва узлуксиз бўлганидек, умрни ҳам сира ортга қайтариб бўлмайди. Жилвакор дарё ўз оқими давомида турли тўсиқ ва ғовларга учрайди, катта қоя ва тошларга урилади, бироқ барибди, ўз йўлини топиб олади. Инсон ҳам ҳаёти давомида баъзи қийинчиликларга дуч келади, хатоларга йўл қўяди, аммо энг муҳими, ҳар бир мушкулотдан сабоқ чиқариб, тажриба орттиради, яшашда давом этади. Якунда эса, умр қанчалик шувиллаб, тез ўтиб қўйганини, баъзан, сезмай қоларди...

— Еттинчи синфда ўқиб юрган кезларим эди. Адабиёт муаллимимиз Шириной Зоидованинг дарслари менга жуда ёқарди. Шу устоз сабаб адабиётга, китоб ўқишга қизиқишим ортган. Кунларнинг бирида ёзган қисқагина мақоламин устозга кўрсатдим. Шириной опа бўлса, “яхши мақола чиқибди, буни “Машъал” газетасига бериш керак” деб қолдиладар. Конвертга солиб, тахририятга жўнатдим. Мақолам нашр этилди. Шундан сўнг синфдошларим, қолаверса, мактабдошларим ораси-

Кейинчалик иккаламиниз ҳам СССР Журналистлар Союзи аъзоси бўлди. Ўша замон талабларига кўра, Коммунистик партияга ҳам аъзо бўлганмиз. Негаки, газетамиз Комфирқа нашри ва табиийки бу ерда ҳам коммунистлар ишлаши шарт эди. Мамлакатимиз 1991 йилда истиқлолга эришгач, Оҳангарон шаҳар ҳокимлиги муассислигида чиқадиган газета фаолиятини йўлга қўйиш — кун тартибидagi асосий масалалардан бири эди. Шаҳар Кенгашининг навбатдаги сессиясида янгидан “Оҳангарон ишчиси — Рабочий Ахангарана” газетаси ташкил этилди. Н.Абдурасулов эса, мазкур тахририятнинг бош муҳаррири лавозимига лойиқ кўрилди.

— Очиғи, бошида бироз қийинчи-

Оҳангарон оҳангида қалам сурган Журналист



Ёшликдаги дўстим, ҳамкасбим, қадрдоним, моҳир журналист Нурали Абдурасулов етмиш ёшни қарши олди. Табиатан анчайин камтар, камсуқум, меҳнатдан сира қочмайдиган Нурали билан эслашга арзигулик дамларимиз кўп. Уларни жамласа, бир китоб қилса арзийди.

1973 йил август ойлари эди. Мен Тошкент давлат университетининг тарих факультетига ўқишга қабул қилиндим. Бироқ, бир йил ўтар ўтмас, аниқроғи, 1974 йилнинг апрель ойида иқтисодий қийинчиликлар туфайли ўқишимни сиртқига кўчиришга мажбур бўлдим. Шундан сўнг туманимиздаги “Оҳангарон” газетасига муҳбир бўлиб ишга кирдим. Ўша вақтларда новча бўйли, озгиндан келган, эндиган 18 ёшга кирган тортинчоқ йигитни мусафҳихликка ишга қабул қилишди. Бу — Нурали Абдурасулов эди.

Қисқа вақт ичида тахририятда иккаламиниз ҳам ўзимизни кўрсатдик. Ҳар бир берилган вазифани мукаммал билан бажаришга ҳаракат қилдик. Шундан сўнг мени масъул котибикка, Нуралини эса, қишлоқ хўжалиги бўлимига адабий ҳодимликка тайинлашди. Бу биз учун катта ютуқ эди.

Тахририятимизга яқин жойда маза-ли сомса бўларди. Ҳар гал тушликка чиққаннимизда бирда Нурали, бирда мен бир-биримизни меҳмон қилардик. Бир кун кўк чой устида дўстим журналистика соҳасига қандай қизиқиб қолганини сўзлаб берганди.

да ҳурматим оша бошлади. Бу менга ёқарди. Мақолам чоп этилган газетани кунда кунора кўлимага олиб қайта-қайта ўқирдим. Шу-шу журналистикага қизиқишим ортиб, газеталарга тез-тез ёзиб турадиган бўлдим.

Н.Абдурасулов асосан, қишлоқ хўжалиги йўналишида ёзгани боис, унинг Оҳангарон туманида яёв кезиб, бормаган қишлоғи қолмаганди. Ёш муҳбирнинг моҳир қорвадор Мўмин Холтўраев, кўш орденли деҳқон Турсуной Назарова, маккажўхорилик комсомол-ёшлар бригадаси бошлиғи, Ленин комсомоли мукофоти соҳиби Холида Абдураимова, пешқадам сут соғувчи Хилва Жаҳоналиева, донгдор чўпон Бойқўзи Абдиев ва бошқа меҳнат қаҳрамонлари ҳақида ёзган сермазмун лавҳалари, очерклари тилга тушди.

Нурали иккаламиниз нафақат вилоят, балки республика газеталарига мақола чиқаришда пешқадам эдик. Бунинг ортидан яхшигина гуноҳар ҳам олиб турардик. Бироқ топган пулимизнинг асосий қисмига турли китоблар сотиб олиб, мутулаа қилардик.

ликлар бўлди, — деб эслайди Н.Абдурасулов. — Чунки Оҳангарон шаҳрида журналистлар бармоқ билан санарли эди. Қалами бор муҳбирлар шундоғам ўз ишини топганди. Янги газетачи Абдушуккур Наврўзов, Марат Раҳимов, Надежда Юсупова, Алексей Ли каби қаламкашларни жалб қилдик. Кейинчалик Икромали Холматов, Алишер Комилхонов каби фидоийларни ҳам сафимизга қўшиб олдик.

“Оҳангарон ишчиси — Рабочий Ахангарана” газетасининг биринчи сони 1992 йил 6 март кун босилиб чиқди. Йилдан-йилга газета ҳамшаҳарларимизга маъқул бўлиб, унинг нусхаси ҳам ошиб борди. 2004 йилда газета “Оҳангарон ҳаёти — Жизнь Ахангарана” деб ном олди. 2011 йил Оҳангарон тумани ва шаҳри яна қайта қўшилганида айнан “Оҳангарон ҳаёти — Жизнь Ахангарана” нашри тумандаги “Оҳангарон” газетаси билан бирлашиб кетди.

Нурали газетачи бор меҳрини, меҳнатини берган фидоий инсонлардан. У ҳудуднинг иқтисодий-иқтисодий ривожланиши, маънавий-маърифий юксалишида ҳам ўзининг таҳлилий мақолалари, танқидий чиқишлари билан ҳисса қўшган. Ҳозир хомчўт қилиб кўрсак, умрининг ярмидан кўпини, аниқроғи, 43 йилини газетачи бағишлаган экан.

Фурсатдан фойдаланиб, қадрдон дўстимни кутлуғ ёши билан санимий табриклаймиз. Унга узоқ умр ва баракали ижод тилаймиз.

Озод ХУШНАЗАРЗОДА
Оҳангарон тумани

OCHIQ MULOQOTDA NIMALAR OCHIQLANDI?

Nurafshon shahridagi "NNT va do'stlik uyi" da Oliy Majlis huzuridagi Jamoat fondi rahbariyati tomonidan Toshkent viloyatida faoliyat yuritayotgan fuqarolik jamiyati institutlari vakillari bilan ochiq muloqot tashkil etildi.

▼ Jarayon

Mazkur uchrashuv NNTlar bilan tizimli ishlash, ularning davlat va jamiyat hayotidagi ishtirokini yanada kuchaytirish maqsadida tashkil etildi.

— Grant tanlov uchun alohida platforma ochilgan, — deydi O'zbekiston nodavlat notijorat tashkilotlarini qo'llab-quvvatlash jamoat fondi direktori Otabek Husanov. — Har bir Fuqarolik jamiyati instituti 1-1,5 soatda arizasini berishi va qaysi jarayonda ekanligini kuzatib borishi mumkin. Birinchi grant tanlovimizni Toshkent viloyatining har bir hududi ijtimoiy muammolariga Fuqarolik institutlarini jalb etish yo'nalishida.

Bular uchun 14 ta hududga teng 1 milliard

jamiyati institutlari oldidagi ustuvor vazifalar, joriy yil davomidagi muhim rejalarga haqida ma'lumot berildi. Muloqot chog'ida NNT vakillari o'z faoliyatlarida duch kelayotgan muammolar, moliyaviy resurslarga bo'lgan ehtiyoj haqida fikr bildirishdi. Shuningdek, aholi muammolarini hal qilishda faol ishtirok etayotgan tashkilotlarni rag'batlantirish, ularning tashabbuslarini qo'llab-quvvatlash mexanizmlarini kuchaytirish masalalari ham muhokama markazida bo'ldi.

Shuningdek, Oliy Majlis huzuridagi Jamoat fondi tomonidan e'lon qilingan grant tanlovida ishtirok etish, ngo.gov.uz platformasida foydalanish, loyihalarni tayyorlash va samarali amalga oshirish bo'yicha tavsiyalar berildi.

Joylardagi muammolarini hal etishda NNTlarning tashabbuskorligini oshirish, ularning amaliy takliflarini moliyaviy va institutsional jihatdan qo'llab-quvvatlash masalalari ham keng muhokama qilindi.

Nigora O'ROLOVA,
"Toshkent haqiqati"
muxbiri


▼ Хабарингиз борми?

Киберхужум — жамиятга азият

Ўзбекистон Республикаси Президентининг “Ахборот технологиялари ёрдамида содир этиладиган жиноятларга қарши курашиш фаолиятини янада кучайтиришга қаратилган чора-тадбирлар тўғрисида”ги қарори қабул қилинди.

Унга кўра, Ички ишлар вазирлиги Ўзбекистонда кибер-жиноятларга қарши курашиш йўналишида ваколатли орган этиб белгиланди.

Ўз қўдалик фаолиятини ташкил этишда миқозларининг манфаати ва молиявий хавфсизлигини таъминлаш банклар, тўлов тизими операторлари ва тўлов ташкилотларининг устувор вазифаси сифатида кўрсатилди. Эндиликда кибер-жиноятни содир этишда ўз номидаги банк картаси, банк ҳи-



собрақами, SIM картаси ҳамда электрон ҳамёнидан фойдаланишга йўл қўйган шахслар учун маъмурий ва жиноий жавобгарлик белгиланади.

Шунингдек, банклар, тўлов тизими операторлари ҳамда тўлов ташкилотларининг ахборот хавфсизлиги ва киберхавфсизлик талаб-

рига риоя этмаганлиги натижасида содир этилган кибержиноят оқибатида келиб чиққан моддий зарарни улар ҳисобидан ундириш тартиби жорий этилади.

Қолаверса, ахборот технологиялари соҳасидаги жиноятлар ҳамда пул маблағлари ва бошқа мол-мулкни жалб этишга доир ноқонуний фаолият учун белгиланган жазо чоралари кучайтирилади. Ички ишлар органлари сўровига биноан, шубҳали пул ўтказмаларига алоқадор карталар тезкор блокланади.

Бундан ташқари, ҳар йили ноябрь ойи “Кибермаданият ойлиги” деб белгиланади.

Advice.uz

▼ Эҳтиёт — шарт!

Вабо касаллиги вибрион микроорганизмлари келтириб чиқарадиган ўта хавфли юкумли ичак касалликлари турига кириб, ингичка ичакнинг зарарланиши, диарея билан кечади. Бу инсон организмда сувсизланиш ва қон томирлари етишмовчилигини келтириб чиқаради.

НОПОК ҲАВЗАЛАР ОҒУСИ

Мутахассисларнинг таъкидлашича, вабо профилактикасида аҳолини тоза ичимлик суви билан таъминлаш, ифлосланган оқова сувларни мунтазам равишда зарарсизлантириш, озиқ-овқат маҳсулотларини ишлаб чиқарувчи корхоналарда санитария-гигиена қоидаларига қатъий амал қилишнинг аҳамияти катта.

Беморлар касаллигининг дастлабки клиник белгилари пайдо бўлганидан, то тўлиқ тузалиб кетгунларича вибрионларни ташқи муҳитга ажратдиладар. Касалликнинг яққол клиник шакллари билан оғриган беморлар жуда хавфли ҳисобланади.

Вабо касаллиги асосан, сув, озиқ-овқат орқали тарқалади. Шунингдек,



вабо маиший-мулоқот йўли билан ҳам юқади.

Бундан ташқари, одамлар ифлосланган суви истеъмол қилганда ёки ифлосланган сув хавзаларида чўмилганда, шу билан бирга, озиқ-овқат сифатида вабо бактериялари билан зарарланган денгиз

маҳсулотларини (балиқлар, қисқич-бақалар, хом ёки яхши пишмаган ҳолида истеъмол қилганда касалликни юктириши мумкин.

Аҳолининг мазкур касалликка мойиллиги умумий бўлиб, одамлар одатда вабо вибрионининг катта дозаларини юктириганда яққол асоратлари билан оғрийди.

Вабо барча жойда бир хилда тарқалмаган, касалликнинг эндемик ўчоғи Жанубий-Шарқий Осиё мамлакатлари, хусусан, Ҳиндистон, Бангладеш ва Покистон ҳисобланади.

Касалликдан ҳимояланиш учун, аввало жамоат жойларига гигиена қоидаларига қатъий амал қилиш, ифлосланган сув хавзаларида чўмилмаслик, сифатсиз озиқ-овқат маҳсулотларидан ҳимояланиш тавсия этилади. Шунингдек, суви қайнатиб, масалликларни обдон пишириб истеъмол қилиш лозим.

Ўткир ичак касалликлари аломатлари пайдо бўлганда дарҳол ҳудудий тиббиёт муассасаларига мурожаат қилин. Бу билан сиз ўзингиз ва атрофдагиларни ушбу юкумли касалликдан асраган бўласиз!

Қаҳрамон ХАЛИКОВ,
Тошкент вилояти санитария-эпидемиолог оқсийшалик ва жамоат саломатлиги бошқармаси ўта хавфли юкумли касалликлар бўлими бошлиғи

▼ Эълон

“ТОШКЕНТ АГРОСЕРВИС МТП” МЧЖ МАЪМУРИЯТИ ИШТИРОКЧИ(ТАЪСИСЧИ)ЛАРИ ДИҚҚАТИГА!

“Тошкент Агросервис МТП” МЧЖ ижроия органи Сизга жамият директорининг қарорига асосан “Тошкент Агросервис МТП” МЧЖ иштирокчи(таъсисчи)ларининг навбатдаги умумий йиғилишини 2025 йил 20 июнь соат 11:00 да Тошкент шаҳри, Миробод тумани, “Олтинкўл” кўчаси, 115-уйда жойлашган жамият маъмурий биносида ўтказилишини маълум қилади.

Йиғилиш кун тартиби:

1. “Тошкент Агросервис МТП” МЧЖнинг навбатдаги йиллик умумий йиғилиши регламентини тасдиқлаш;
2. Ўзбекистон Республикаси Президентининг 2024 йил 19 апрелдаги “Аграр соҳада хизмат кўрсатувчи давлат иштирокидаги корхоналарни хусусийлаштириш жараёнларини жалдлаштиришнинг қўшимча чора-тадбирлари тўғрисида”ги ПҚ-164-сон қарори ижросини таъминлаш бўйича ҳудудий ва туман “Агросервис МТП” МЧЖларнинг вазифалари тўғрисида;
3. “Тошкент Агросервис МТП” МЧЖ директори Б.Губуровнинг 2024 йил молия-хўжалик фаолият якунлари юзасидан ҳисоботини эшитиш ва тасдиқлаш;
4. Жамиятнинг 2024 йилдаги молия-хўжалик фаолиятини текшириш юзасидан мустақил аудитор ташкилоти ҳулосаларини кўриб чиқиш ва тасдиқлаш;
5. Жамиятнинг 2024 йил якуни бўйича йиллик ҳисоботи, бухгалтерия баланси ва молиявий натижалари тўғрисида (Ф-1, Ф-2) ҳисоботларини кўриб чиқиш ва тасдиқлаш;
6. Жамиятнинг 2024 йил якуни бўйича соф фойдасини тақсимлаш, иштирокчиларнинг улушига мутаносиб равишда дивидентлар тўлаш, дивидентнинг миқдорини тасдиқлаш ва уни тўлаш шакли ҳамда тартибини белгилаш;
7. “Тошкент Агросервис МТП” МЧЖ устав капитили(фонди)ни камайтириш;
8. “Тошкент Агросервис МТП” МЧЖ таркибидagi хўжалик жамиятларини ихтиёрий тугатиш масаласини кўриб чиқиш;
9. “Тошкент Агросервис МТП” МЧЖ иштирокчилари таркибига ўзгартириш қиритиш;
10. “Тошкент Агросервис МТП”

МЧЖни ихтиёрий тугатиш, тугатиш комиссиясини тайинлаш, тугатиш комиссиясининг тугатиш жараёнидаги ҳаражатлар сметаси ҳамда штарлар жадвалини тасдиқлаш.

Жамият иштирокчиларининг навбатдаги умумий йиғилишида шахсан ўзингиз иштирок этишингизни ёки вакилингизни шахсини тасдиқловчи ҳужжат ва қонун ҳужжатларида белгиланган тартибда тасдиқланган ёзма ишончнома билан қатнашини таъминлашингизни сўраймиз.

Йиғилиш бўйича қўшимча ахборот, унда кўриладиган масалаларнинг ҳужжатлари билан танишиш учун Тошкент шаҳри, Миробод тумани, “Олтинкўл” кўчаси, 115-уйга ёки ушбу телефон рақамларига мурожаат қилиш мумкин: (95) 880-88-59, (99) 028-03-43, (99) 028-03-83.

“Тошкент Агросервис МТП” МЧЖ ижроия органи

... Сухбатларимиздан бирида узоқ йиллар “Қишлоқ ҳаёти” (аввалги “Қишлоқ ҳақиқати”) газетасига бош муҳаррирлик қилган, кўп журналистларга сабоқ берган олим, раҳматли домла Неъмат Ёқубовнинг аҳли аёлига муҳаббатига ва садоқати ҳақида гапириб бердим. Турмуш ўртоқлари қирқ йилдан ортқ оғир хасталик билан курашиб кўп азоб чекди. Устозимиз аҳли аёлининг бошига оғир дард тушганида уни ёлғизлатиб қўймади, меҳр билан парвариш қилди. Домламиз оиласига садоқатда ҳам дарс бериб ўтиб кетди.

Зухриддин ака (Зухриддин Исомиддинов таникли журналист, адабиётшунос) ҳикоямдан таъсирланди.

– Мениям пискентлик Собиржон деган ҳамкасб дўстимнинг тақдирини Неъмат Ёқубовнига ўхшаб кетаркан, – деди у. – Бизлар Собиржон Иномов билан Тошкент давлат университети (ҳозирги Ўзбекистон Миллий университети)нинг журналистика факультетида бирга ўқиганмиз. Талабалик йилларида битта хонада яшаганмиз. Бошқа курсда ўқийдиган Сайёра исмли ақли-зақоси, хулқи-хаёси, гўзал бир қиз бир оёғи бироз оқсақини била турли Собиржон акага меҳр қўйди, муҳаббатини унга бахшида қилди. Дунёда шундай покдил қизлар борлигидан лол қолгандик.

Табиатан серзавқ, қаҳ-қаҳ уриб қулиб кўнгилни оладиган Собиржон ака гўдаклигидаги жароҳати туфайли шундай бўлиб қолган экан. Улар талабалик йилларидаёқ турмуш қуришди, фарзандлар қўриб тарбиялашди. Тақдирда ёзилгани шу экан, орадан ўн йил ўтиб, Сайёра опа оғир дард билан тўшакка михланиб қолибди. Собиржон ака келинонимизни қирқ икки йил эътибор билан парваришлади.

Аҳли аёлига шу қадар садоқатли, машаққатларга сабрли Собиржон ака ва чидам-бардоши олдидан тоғлар тиз чўкса аризгулик Сайёра онадек ҳазрати инсонлар ҳузурига олиб борса, уларни зиёрат қилиб, дусини олиш ниятимни Зухриддин акага айтдим. У қутилмаган тақдиримдан хурсанд бўлиб: “Дам олиш кунлари, албатта, Пискентга борамиз”, деди.

Орадан бир неча кун ўтмай, Пискентдан нохуш хабар келди, Сайёра опамиз вафот этибди. Марҳумани хотирлаб ўтказилган амри маъруф маъракасига Зухриддин ака, уларнинг курсдоши, таникли навоийшунос Султонмурод Олим билан Пискентга бордик. Маъракада имом жудаям таъсирли матруза қилди. Домланинг Собиржон отанинг аҳли аёлига орифона меҳр-муҳаббати, вафо-садоқати, сабр-бардоши ҳақидаги дил сўзлари юракларни тўлқинлантириб, кўзларни ёшлантириб юборди...

Собиржон ака билан хайрлашаётганимизда у киши менга ишора қилиб: “Бу кишини танимадим”, деб ҳамроҳларимдан сўради.

– Бу киши ижодкор дўстимиз, – деб Зухриддин ака мени таништирди. – Сизнинг ҳаёт йўлингиз ҳақида эшитиб, дуоингизни олгани келди.

Собиржон ака таъсирланиб кетди. Кўзлари намланди: “Аллоҳ менга яна битта дўст ато этди”, деб маҳкам бағрига босди. Ҳаққимга дуо қилди.

– Олимларга яқин юрсангиз, Аллоҳга яқинлашар экансиз, ҳаётимизда шунга амин бўлдим, – деб Собиржон ака ёнидаги юзидан фойда ёлғи, тавозе билан турган олимга ишора қилди. Бу ҳикматни эшитиб маъракага илм аҳллари билан борганимдан қувониб кетдим.

Аллоҳдан унга сабр беиштини сўрадим, Яратган эгамнинг сабрлиларга алоҳида ажрлари борлиги ҳақидаги ҳадисни айтиб, у билан хайрлашдим...

Ўшанда Пискентдан то Тошкентга келгунимизча кўнглимда Собиржон ака ва Сайёра опанинг эллик уч йиллик – ҳаммамнинг ҳам сабру бардоши етатвермайдиган, машаққат гирдобидидаги умр йилларини тасаввур қилиб, улар ҳақида албатта нимадир ёзаман деб қатъий ният қилдим. Ҳамроҳларимга ҳам бу ҳақда айтдим. Ниятимни эшитган Зухриддин ака “омин, омин” деганди.

Аллоҳ дилимга нимани солса, Ўзига таваккал қилиб, шу ишга киришиб кетаман. Ўтган йилнинг октябр ойининг бошида барвақт йўлга чиқиб, Собиржон ака ҳузурига – у кишининг Пискентдаги қишлоғига соат саккизларда етиб бордим. Келишилган вақтда Пискент-Бўка йўли бўйида учрашдик.

– Бизга ҳам сизникидақа оппоқ машина минши ҳасиб этсин, – дея “Cobalt” машинамга ишора қилиб қўчоқ очиб сўрашар экан, “Орқамдан юрaverасиз”, дея автомашинасини ҳайдаб кетди. Бир оёғи оқсоқланиб юрган ҳолатида, етмиш беш ёшида ҳам машинани чиройли ҳайдаб кетаётганига қўйил қолдим. Бу қишлоқ узумзорлари кўплиги билан Фарғонанинг Олтиариғини эслатиб турибди. Аввалига, тор бўлса-да, асфальт йўлдан бордик. Кейин шағал тўкилган йўл билан қаҳрамонимиз эшиги олдида тўхтадик. Ҳар томони узум боғлари билан уралган ҳовли ёнида икки тул япон сакуриси чаман-чаман бўлиб очилиб турибди. Бу гулларга қараб дилим яйраб кетди.

Рўпарадаги уйга кириб ўтирдик. Собиржон ака Қуръон оятларидан ўқиб, бизлардан ўтганларнинг, хусусан, аҳли аёли Сайёра опанинг руҳига бағишлаб дуо қилди.

– Айтишларича, руҳлар доимо уйғоқ бўлар экан, – деди у. – Яқин кишининг ўтганидан сўнг савоб ишларни қўлайитишини ўйлаб қоларкансан. Чунки руҳлар атрофимизда ҳозир бўлиб, нима қилаётганини билиб турад экан.

Аллоҳ ўзи суйган бандаларига ҳам бу дунёда машаққатлар бериб синар экан...

Эзгу амаллари билан номи нафақат Тош-

(Давоми. Бошланиши 1-саҳифада)

кент вилоятида, республикада ҳам яхши таникли бўлган пискентлик Абдунаби Сиддиқов ҳақида куни кеча “Қишлоқ ҳаёти” газетасида босилган очеркимни узатдим.

“Мақолани ўқигунимча чойдан ичиб, узумдан еб туринг”, дея пиёладаги қаймоқни мен томонга суриб қўйди. Газетани ўқиётиб, акса уриб, “ҳақ сўзларни ёзибсиз”, деб ўлғи қилди. Ҳавоси пойтахтаникидан анчагина тоза бўлгани боис енгилроқ нафас оламан. Дастурхонидан пиёла қўйгани жой топилмайдиган киборларнинг шохона базму жамшидидан кўра, эгасига ўхшаган соддагина тузалган бу дастурхон менга афзалроқ кўринди.

Газетанинг ярим саҳифадан кўпроқ жойини эгаллаган мақоламни ўқиб, Собиржон ака таъсирланди.



– Абдунаби яхши инсон. Яхши одам ҳақида жуда яхши ёзибсиз. Абдунаби ўзининг кимлигини билиб оладиган қилиб ёритибсиз, раҳмат сизга. Келгуси ҳафтада қирқ кишилиқ дўстларимиз бир даврада йиғилишамиз, ўшанда уларга ҳам очеркингизни ўқиб бераман, – дея қўлидаги газетани тахлаб, ёнбошидаги ёстиқ устига қўйди.

– Нечта фарзандингиз бор?
– Икки қизим, икки ўғлим бор. Аллоҳга шукур, ҳаммаси ўқимшли, оилали, уйли-жойли, фарзандлари, набиралари бор.

Собиржон ака ҳикоя қилди:
– 1971 йил кузи. Талабаларнинг олтин даврлари бошланди. Тошкент давлат университети (ҳозирги Ўзбекистон Миллий университети)нинг журналистика факультетида ўқигани кирдим. Юқори курсда ўқийдиган, ўзимнинг Пискентимда туғилган Сайёра исмли қиз билан ўртамазда илиқлик пайдо бўлди. Унга кўнгли қўйиб, яхши қўриб қолгандим. Аммо юрагим хижил, ногирон йигит бўлсам, у аёлочи, хушрўй ва сарвақомат қиз, менга турмушга чиқишга рози бўлармикан, деган ўй тинчлик бермасди...

Собиржон ака нимани сўрамоқчи эканимни сездим чоғи, болалигидаги ўша машъум воқеани гапириб берди. Туроб акиси мол боқиладиган бостиримдан томига чиқиб варрак учираётган бўлган.

– Ўғил боламан-ку, варрак учиниши кўрай деб қизиқан бўлсам кераки, Баҳринисо опам мени ҳам томга олиб чиқади. Томда сўтаси билан маккажўхори қуритиш учун ёйиб қўйилган бўлган. Осмондаги варракнинг учиниши томоша қиламан деб, оёғим сирганиб, пастга думалаб кетибман. Танам билан молхона кўрасидаги хашакка тушибман-у, чап тўпигим қозикқа урилиб қайрилиб кетган экан. Бормаган жойимиз, қўрсатмаган докторимиз қолмади. Тақдиримда бор экан, шунисига ҳам шукур.

– Аллоҳ ўзи суйган бандаларига дард беради, деган ҳикмат бор, – дейман унга. – Яратганининг Ўзи ажрини берсин. Икки оёғи ишламайдиганлар қанча?

– Гап билан бўлиб сўрамабман, қора чой ичасизми, кўк чой ичасизми? – деди Собиржон ака бўшаб қолган термосни қўлига олиб.

– Қирқ беш йил Тошкентда яшасам ҳам қора чойга ўрганолмадим, кўк чой, – дедим мен.

Собир ака келинига чой буюриб, узилиб қолган ҳикоясини давом эттиради:

– Севгидан юрагим жўшиб юрган кунларнинг бирида ўзимда журъат топиб, Сайёрага:

▼ Эй, умри азиз...

“Аҳволимни кўриб турибсиз, агар рози бўлсангиз, уйингизга онамни жўнатардим”, деб кўнглига қўл солдим...

Севги-муҳаббатимиз ғолиб келди, Сайёра ҳам, ота-оналаримиз ҳам турмуш қуришимизга рози бўлди. Биринчи курсни битирмасимдан тўйимиз бўлди.

Йўқчилик ёмон. Ўн олти ёшимда отам оламдан ўтиб қолгач, турмушнинг оғир юки ёлғиз онамнинг зиммасига тушиб қолганди. Онам раҳматли “отаси йўқ, ногирон, бечора ўғлимнинг кўнгли ярим, ўксимасин” деб емай-киймай мени ўқитди. Йўқчилик турмуш қурганингда билиниб қолар экан. Сайёра иккимиз камбағаллик азобларини кўп тортдик. Қорнимиз тўйиб овқат емас эдик.

Минг тўққиз юз етмиш тўртинчи йили, айниқса, оғир бўлди. Битта нонни тўртга бўлиб тўрт кун ер эдик. Мен-ку бир амаллаб чидаганман, аммо Сайёра-чи? Бечора биринчи фарзандимизга ҳомиласи билан оч қолиб, нима бўлган бўлса Худо билган, ўзи билган. Енгил-елпи овқат еб кун кечириб юриб, камқонлик касалига учрадим. Бир кунни ҳушимдан кетиб қолибман. Мени Тошкентнинг Сассиқхонвузидаги биринчи шаҳар касалхонасига олиб боришиб, жонлантириш бўлимига ётқизишибди.

Ўзимга келмай қанча ётганимни билмайман. Бир пайт ғайбдан бир садо келди: “Уйғон, уйғон, сен ҳам одамлар қатори фарзандли бўласан, ўғил кўрасан. Бахт оstonасига қадам қўясан”. “Бахт, бахт!” деган овоздан ўзимга келибман. Тушимми, ўнгимми – англолмай қол-

қолган эди, шунинг учун ўқий олмаганига афсус қилмасин деб икковини ҳам ўқитиб, олий маълумотли қилдим, – деди Собиржон ака ҳикоясини давом эттириб. – Гулмира ўқитувчи, Гулнора шифокор бўлди. Ҳозир набираларим ҳам турли олий ўқув юртларида таҳсил олган, қолганлари ўқишмоқда.

Ўзим ҳам қараб турмадим. Чирчиқдаги ногиронларни ҳайдовчиликка ўқитадиган мактабни битказиб, гувоҳнома олдим.

– Сайёра опа ётиб қолганига қарамай, ижод қилишдан тўхтамаган экан-а?

– Сайёра опангиз жудаям адабиётни яхши кўрадиган, юзлаб китоблар ўқиган зиёли аёл эди. Яхшиям китоб ўқишни ёқтирарди, агар акси бўлганида, бедор тунларининг бир азоби минг азобга айланарди. Ёшлигида Пискент шаҳридаги кўп қаватли уйларда яшаган-да, ҳамма қўшнилари рус миллатига мансуб экан. Улар билан иноқ бўлиб, ҳатто рус тилини улардан яхши билиб олган экан. Шунинг учун бўлса керак, рус адабиётини кўп ўқиган. Вақтни неъмат деб билиб, кунларини беҳуда сарфламамди. 2008 йилда “Умидли дунё”, 2019 йилда “Бедор қалб тўхфалари” китобларини ёзиб чоп эттирди. Кўнгли ҳалим аёл эди. Эй Аллоҳим, у билан ўзинг суйган бандаларинг қаторида жаннатларда ҳам бирга бўлайлик, деб дуо қилиб яшаяпман.

Аҳли аёлимнинг дуоларини олиб, ижодимга ҳам барака кириб кетди. “Соқов хотин” деган роман эдим. Ундан ташқари, ўн бешта китоб чикардим. Ижодкор ўқубатларни асар ёзиб енгар экан. Таъзиядан кейин келди-кетди кўлайди. Атрофимизда яхшиликни билладиган яхши одамлар кўп экан. Улар бизларни яхши кўришар экан. Келганлар кўзига ёш олиб, қул-

луқ қилиб, раҳмат айтиб кетишди.

– Ҳа, Сайёра опа билан иккингиз сеvgи-муҳаббатдан, сабр-қаноатдан, вафо-садоқатдан бахт қасрини қурган экансиз, – дедим чин кўнглимдан.

– Одамни йиғлатиб суҳбатлашар экансиз. Кўнглимни юмшатиб юбордингиз.

– Ташқарига чиқайлик, узумзорларингизни бир кўрсатинг.

– Яқинда оқ “Spark” да бир аёл кўчамизда қайрилолмай қийналиб турган экан, танимабман. Сайёра опангизга узоқ йиллар давомида худди ўзининг жигаридек меҳр билан қараган, ҳар келганда бағрига босиб кўнглини кўтарган, дилбар шифокор Мақсудхон экан. Таъзия кунлари кўринмаганди. Тошкентдаги касалхонада ўғлини даволатаётган экан.

Мақсудхон Алимжонов Пискентдаги касалхонада шифокор бўлиб ишлайди, самимияти ва қўли енгиллиги билан беморлар дардига дармон бўлиб, уларнинг меҳрини қозонган шифокор. Аллоҳ берган иқтидори бор доктор.

Собиржон аканинг бу шифокор ҳақидаги дил сўзларини эшитиб, кўнглимдан яхши ният ўтди. Ёзилажак мақолаларимдан бирига қаҳрамон топдим...

Уйга қайтиб кириб, суҳбатни давом эттирдик. Хона тўридаги бир кишилиқ диванга ишора қилиб:

– Аёлим шу жойда ётарди, – деди у. – Фарзандларимга: “Энди онангнинг диванини бошқа жойга олайликми?” десам, улар қўнмишмади. “Онамни соғинганимизда, шу жойда ётиб кетамиз”, дейишди. Қизлар ота-онага бошқача меҳрибон бўлишади. Умрларидан барака топишсин.

Собиржон акадан ҳаётидаги энг қувончли кунлари ҳақида ҳам сўрадим.

– 2007 йилнинг 26 август кунни кечки соат олтидан ўтган эди. Тахририятда бир ўзим қолгандим. Уйга кетишга шайланиб турганимда, телефон жиринглаб қолди. Олсамми, олсамми деб роса иккиландим. Охири гўшақни кўтардим.

– Ассалому алайкум, мен “Тошкент ҳақиқати” газетаси бош муҳаррири Убайдулло Абдулҳодидов бўлман. Сизни табриқлайман, Президент фармони билан “Меҳнат шўхрати” ордени билан тақдирланибсиз, – деди.

Ҳеч қутилмаган бундай қувончли хабарни эшитиб, ўзимни билмай қолибман. Ўзимга келганимда, қоронғи тушиб қолган экан. Қўзимдан ёш тўхтамасди, оч-наҳорликда, қанча камситишлар, хўриқлар қўриб, битта қаламим билан шундай катта орден олганим учун ҳаяжонимни боса олмаётган эдим. Ўша кун Сайёра мендан ҳам кўпроқ хурсанд бўлувди, роса йиғлаганди. Бу – гарчи ожиза бўлса-да, сабр-бардоши қаршида тоғлар тиз чўкадиган, қирқ икки йил умрини тўшақда ўтказган, ориқлар азобига дош бера олган менинг Сайёрага берилган мукофот эди. Бу – болалигини онасига бағишлаган менинг қизларимга берилган мукофот эди. Бу – онасини боласидек қўтариб парвариш қилган менинг ўғилларимга берилган мукофот эди. Бу – келин эмас, қиз бўлиб қайнонасига онасидан кўпроқ хизмат қилган менинг Дилоромимга берилган мукофот эди.

Собиржон ака яна бир қанча набиралари исмини санаб, уларни ҳам дуо қилди. Ўша кун ёдига тушиб, ҳаяжонидан кўзлар намланди.

Мана сизга бир оила ҳаёти, бир оила ибрати! Мана сизга бошингиз ерга теккудек таъзим қилсангиз арзийдиган ҳазрати инсонлар! Мана сизга қалам билан шўхрат топган ижодкор, битикларидан ҳикмат нафаси уфуриб турадиган журналист!

Дилмурод ҚИРҒИЗБОВЕВ,
Ўзбекистон Журналистлар
уюшмаси аъзоси



TOSHKENT HAQIQATI
ТАШКЕНТСКАЯ ПРАВДА

Muassis:
TOSHKENT
VILOYATI
HOKIMLIGI



“Toshkent haqiqati” va
“Tashkentkaya pravda”
gazetalarini tahrir hay'ati:

Zoyir MIRZAYEV
(tahrir hay'ati raisi)
Abdusamad NOSIROV
Ummat MIRZAUQULOV
Hotamjon SAYDAHMEDOV
G'afurjon MUHAMEDOV
Sayyora FAYZIYEVA
Tohir ARIPOV
Mahmud TOIR
Azamir MIRZAYEV
Uskenboy ATEMOV
Abdulla XURSANOV
Shahboz NIZOMIDDINOV
Kumush EGAMBERDIYEVA
Olimjon BEGALIYEV
Behzod QOBULOV
Sergey MUTIN

Bosh muharrir:
G'ayrat SHERALIYEV

Qabulxona:
(55) 520-64-95

Bosh muharrir o'rinbosari:
(55) 520-04-10

Mas'ul kotib:
(55) 520-05-10

Bo'lim muharrirlari:
(55) 520-06-20, (55) 520-04-20

E'lonlar va hisob-kitob bo'limi:
(55) 520-21-20

e-mail: toshkenthqiqati@uamail.uz

Mas'ul kotib:
Alloma AZIZOVA
Navbatchi:
Nozima RASULOVA
Ekspositor:
Behruz NURBOBOYEV

Bosishga topshirish vaqti – 21.00.

Bosishga topshirildi – 19.30.

Nashr ko'rsatkichi – 205.

Buyurtma G-535.

4 321 nusxada chop etildi.

Hajmi – 2 taboq. Ofset usulida

bosildi. Qog'oz bichimi A–2.

Bahosi kelishilgan narxda.

Toshkent viloyati Axborot va ommaviy kommunikatsiyalar boshqarmasida
2011-yil 12-yanvarda
03-001 raqami bilan
ro'yxatga olingan.

Manzil:
111500, Nurafshon shahri,
Toshkent yo'li ko'chasi, 90.
Toshkent shahridagi
ofisimiz: Bektmetov tumani,
Ittifoq ko'chasi, 2.
ISSN 2010-9318.

Gazeta «Toshkent haqiqati»
tahririyati kompyuter markazida
terildi va Tahir Mahmudxo'jayev
tomonidan sahifalandi.

Haftaning
chorshanba va shanba
kunlari chiqadi.

«SHARQ» nashriyot-matbaa
aktsiyadorlik kompaniyasi
bosmaxonasida bosildi.
Korxona manzili:
Toshkent shahri,
Buyuk Turon ko'chasi, 41-uy.